



漢書門			
類	號	函	架
一	三〇	二	一〇
冊	〇	冊	〇

內閣文庫			
類	號	冊	函
漢	三〇	二	一〇
書	〇	冊	〇

內閣文庫	
番號	漢 13010
冊數	120 (44)
函號	301 64



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



傷醫準繩卷之五




金壇王肯堂輯 門人新安閔承詔校

諸腫

無名腫毒者不拘於頭面手足胸腹等處焮赤腫硬  
結核疼痛又名腫瘍又名虛瘍也但腫無頭無面者  
俱是也腫勢盛者以稜針刺去惡血切不可用火針  
烙之惡寒發熱或頭疼或拘急宜表散之以荆防  
敗毒散腫勢盛表裏俱實者追疔奪命湯無表  
裏證腫勢盛者以兩面龜散若暴發赤腫切不可  
以針破只宜以洗腫方淋洗以八仙膏解毒丸等藥

諸腫

小引五



塗之。若急切卽用金腦香葉田茶菊搗酒煖服以渣敷患處以汁刷患處。尾秋骨處結毒如桃李之大紅赤焮痛不能行動此名病瘰用芙蓉葉搗酒炒縛爛者以蟻尾殼火煨存性爲末用麻油調搽卽愈。大効。紫游虛瘍用魚苞子根煎水入酒和服又以水荔枝葉赤子葉搗刷有熱者以追疔奪命湯加雞屎子雞距根。手背脚背腫大有赤痕如蝦之狀名病蝦證也用油炒鹽糟令香以熱湯淬之泡湯乘熱淋洗之卽消要服痔瘍藥。膝內賺近摺紋之處結核腫痛但核形長如魚之狀名上水魚以稜針亂刺

去惡血以稗枯雷廷藤山樟子葉搗糟炒縛之又用山雷廷藤赤牛膝山蘇木稗枯搗鹽糟炒縛又方雷藤鼈尿藤根皮搗糟炒縛之又方魚苞子稗枯搗糟炒縛之又方山雷廷根皮稗枯搗糟炒縛及用七聖膏敷之却以九金六馬散服之。遍身起如風疹疥丹之狀其色白不痛但搔痒抓之起白疔名曰蛇虱用油穢田肥株山樟子葉樟樹葉柏葉煎水入些醋洗之又方只用柏葉一味煎水洗更速也要服若參丸蠟礬丸金銀皂角丸。脚背或脚趾腫痛不可忍以脚高懸起其疼方止些若以脚垂下其疼不可當

也名曰倒拔腫瘍先用兩面龜一味煎酒服次服兩  
面龜散如不應以蛇薯磨酒服大効耳中疼痛不  
可當者名曰腦裏虛瘍宜以金腦香根或葉搗爛入  
井水少許濾去渣入片腦半分研勻滴入耳中即効  
又用根磨薄荷湯入少酒和服又用金雞舌苦參青  
木香金鳳尾搗冰入片腦少許和勻濾淨滴入耳中  
又服兩面龜散及以水坊子根煎米入酒和服紫  
遊風用紫茶根皮搗冰刷又方加紅心蜈蚣小金錢  
豆瓣草馬蹄草金鷲葉尾搗冰入此醋煖刷之  
附方

兩面龜散 治一切腫瘍焮赤無名腫毒疼痛者

兩面龜 雞屎子 雞胆根

詐死子 真珠美 山烏豆

紫金皮 脫殼藤 魚桐根

山淡鼓 連义大青 沿地雞胆

右水煎入酒和服 發熱加水坊根吉面消骨

裏痛加紫金藤馬蹄金鉄馬鞭 又方加白木待

根山芙蓉根山苧根川山蜈蚣

雞屎子散 治虛瘍

雞屎子

詐死子

冬青根

楊香根 右水煎入酒和服

退熱消毒散 治無名腫毒發熱者

雞屎子 雞胆根 水坊根

臭木待 白根子 山烏豆

苦花子 紫金藤 金腦香

吉面消 連义大青 落鴉爪藤

大葉小青 過山龍梗 大葉金涼傘

右薄荷煎服

天花刮毒散 治一切腫毒焮赤疼痛

天花粉 黃檗 南星

赤芍藥 薑黃 各壹兩

為末井水調入此醋和煖刷患處夏月冷刷亦可

退腫消核散 治一切無名腫毒及結核赤腫者

艮脚根 紫金皮 樟柳根 各壹兩

右為末用毛屎梯葉生地黃苦薄荷金腦香金鳳

尾地薄荷赤薺子尻池葉不拘一二三味取葉搗米

泔水入醋少許調勻煖刷又方單用艮脚一味

為末以生赤樟柳根磨米泔調塗更妙

消腫切毒散 治一切無名腫毒虛癆等毒

毛屎梯葉 雞屎子葉 各壹分

右末用米泔水調溫刷

又方 生樟柳根為末米泔水調溫刷或以毛屎梯葉同刷亦妙

丹卒腫起大痛羌青根大者杵之和苦酒如泥煮三

沸帛上包之葛氏 風毒腫二年苦酒濃煎葱白以布

包熨腫上外臺秘要 治一切熱毒腫商陸根和鹽少許

傅之日再易孫真人食忌 治一切毒腫疼痛不可忍者

搗草麻仁傅之立效肘後方 治腫疾藜子壹升炒黃

杵細以香油和如泥再炒令焦以舊布如腫之大小

攤之貼腫上勿開頭搭上外臺秘要 治惡刺及狐狸刺

毒腫取蒲公英草根白汁傅之多塗立瘥余七月十

五日夜左手中指背指着庭木痛不可忍十日後瘡

且深漸高大痛欲死用此而安孫方

經患熱腫水研山豆根濃汁塗乾再塗

衍臘月中以新瓦罐滿注熱水用朴硝貳升投湯中

攪散掛北簷下俟稍滲出罐外却收之以人乳汁調

半盞掃一切風熱毒氣攻注目臉及發頭面四肢腫

痛應手神効

山腫毒或疼痛處以赤小豆為末水調傅頻換或用

香白芷水調傅尤妙 又方白芙蓉葉晒乾同皂角

者重

小斗五

七

請用  
為末水調傳

丹治諸處皮裏面痛何首烏末薑汁調膏以帛裹於痛處火炙皮鞋底熨之妙方經驗

治一切赤腫但癰毒結未成者並可消  
右用黃蜀葵花子不拘多少研細滴水令稀稠得所將絹帕子裹定旋挹所餘汁撲腫所四畔數撲之

犀角飲 治諸風腫

犀角 壹錢鎊

玄參

連翹

柴胡 去苗各半兩

升麻

木通 各半錢

芒硝 生用

麥門冬 去心各壹兩

沉香

檀香

射干

甘草 炙各貳錢半

右剉碎每服伍錢匕水壹盞半煎至捌分去滓食後温服及夜食後各一服利多即減一名犀角湯無檀香

熨風散 治諸瘡因風致腫

羌活

防風

白芷

吳茱萸

細辛

當歸

芍藥

芫花

官桂 各等分

右為籠末作壹劑赤皮蔥連鬚細切半斤同醱醋

諸腫  
言腫  
女科五  
六  
拌勻炒令極熟帛裹於瘡上熨之稍冷即換藥再熨之上下痛止

蠶沙熨方 治風腫

晚蠶沙

鹽各不拘多少

右相和炒熟布裹熨之冷即再炒各入醋少許尤佳

水澄膏 治熱腫痛大效

大黃

黃檗

鬱金

天南星

白芨

朴硝

黃蜀葵花 各壹兩

右為細末每用新水盪盪半藥末貳錢攪調勻候澄底者去淨水以紙花子攤於腫焮處貼之如急燥津垂潤之此藥除熱毒赤腫神效如皮膚白色者勿用之



○石癰石疽

謂癰疽腫如石又石作膿者是也

犀角湯

治石癰熱毒氣盛腫硬疼痛口乾煩悶

犀角

銹

木香

各柒錢半

連翹

梔子仁

射干

當歸

切焙

升麻

赤芍藥

玄參

枳殼

麸炒

甘草

生各壹兩

大黃

炒貳兩

右剉碎每服叁錢水壹盞煎至陸分去滓不拘時溫服

黃連散

治石癰結硬發熱紫赤色毒氣攻衝未定

日夜疼痛宜用此消腫化毒止痛

不... 夕... 五

黃連

川大黃 生

白欬

馬牙硝

黃檗 各壹兩

麒麟竭

青鹽 各半兩

赤小豆 半合 炒熟

杏仁 湯浸去皮

研

右為細末蜜水調塗乾即易

大黃散

治石癰腫硬疼痛心腹煩悶不得宣暢

川大黃 壹兩炒

川芒硝

黑豆皮

枳殼 各半兩

去穢麸炒

牛蒡子 微炒

當歸

芎藭 各貳錢半

甘草 半兩

右剉碎分作三服每服水壹盞煎至五分去滓不

拘時溫服以利為度

治石癰堅如石未作膿者

右用生商陸根不拘多少熟搗傅之乾即易取軟

為度及治濕漏諸瘡癰羊城人用此方取效者多

沉香湯 治石疽腫毒結硬口乾煩熱四肢拘急不

得卧

沉香

防風 去義

木香 各柒錢半

麥門冬 去心

當歸 切焙

枳殼 麸炒

獨活 去蘆

麝羊角 屑

升麻

玄參

地骨皮

赤芍藥

甘草

生剉各壹兩

大黃

剉炒貳兩

右剉碎每服肆錢水壹盞半煎至柒分去滓不拘時溫服

癰疽

風疽

癰疽者肉中忽生點子如豆粒小者如黍粟極者如梅李或赤或黑或青或白其狀不定有根不浮腫痛傷之應心根深至肌經久便四面悉腫炮黯孰紫黑色能爛壞筋骨若毒散逐脉入臟殺入南人名為楊着毒厚肉處即割去之亦燒鐵烙之令焦如炭或灸百壯或飲葵根汁或飲藍青汁若犀角汁及升麻汁竹瀝黃龍湯諸單方治專去其熱取瘡其病喜着十指故與代指相似人不識之呼作代指不急治之亦逐脉上入臟殺入南方人得之皆斬去其指初指頭

先作黯疱後始腫赤黑黯疹痛入心是也  
治癰疽秘方

射干

甘草

枳實

升麻

乾地黄

黃芩

麝香

前胡

犀角

大黃

射干

枳實

右十味咬咀以水玖升煮取叁升下大黃一沸去滓內麝分三服瘥止不限劑數此方世所不傳神良射干散治癰疽皮肉中忽生點子如麻豆大或如

桃李腫痛不可忍

射干

川升麻

枳實

川大黃

甘草

麝香

前胡

麝羊角屑

射干

右剉碎入麝香令勻每服肆錢水壹中盞煎至陸分去滓不拘時溫服

丹砂膏

治癰疽

丹砂

射干

大黃

犀角屑

前胡

升麻

芩藟

黃芩

沉香

癰疽

外科五

十一

木香 各壹兩

生地黄 貳兩

麝香 壹錢貳分半研

豬脂 貳斤半

右除丹砂麝香豬脂外剉碎以醋半升和勻浸一宿先熬脂令沸次下諸藥煎候地黄赤黑色以綿絞去滓入丹砂麝香末以柳篋攪勻瓷盒盛傳患處日三五上又取棗大以溫酒調空心日午服一方溫水調下半匙

治癰疽諸疽十指頭焮赤痛痒方 千金翼名

白芷

大黃

芎藭

黃芩

黃連

甘草

細辛

藁本

當歸

藜蘆

莽草 各壹兩

右十一味咬咀以水貳斗先煮豬蹄壹具取壹斗煮藥取伍升浸瘡即瘥

又方

竈屋塵

竈突墨

釜下土 各壹

右三味合研令勻以水壹斗煮三沸取汁洗日三四度

治癰疽著手足肩背忽發累累如赤豆剝之汁出者方

癰疽

外科五

十一

鯽魚

長叁寸者壹尾

亂髮

雞子大

豬脂

壹升

右三味煎為膏傳之

又方

葵蕪菁子搗碎布裹展轉傳上良

又方

以麻子熬作末傳上良

又方

以豬膽傳之良

又方

亂髮灰服方寸匕日三亦治發背

又方

者芸薹菜取壹升服之并食乾熟芸薹數頓

少與鹽醬

冬月研子水和服之

又方

枸杞根并葵根葉煮汁煎令如糖隨意服之

治疽潰後方

以鹽湯洗拭了燒草灰粉上良

又方

牛耳中垢傳之良

又方

梁上塵和車軋中脂傳之

又方

以生麻油滓綿裹布瘡上蟲出

治疽似癰而小有異膿如小豆汁今日去明日滿者

方

芸薹孰擣濕布袋盛之埋熟灰中更互熨之不過

再二度安瘡冬用乾者

又方

皂莢煎湯洗瘡拭乾以藥皮為末傳之勿令

作痂

治瘰癧平着五指筋急不得屈伸者方  
灸踝骨中央數十壯或至百壯

*[Faint bleed-through text from the reverse side of the page]*

反花瘡

瘡有旁肉凸出者是

薛翻花瘡者由瘡瘍潰後肝火血燥生風所致或瘡口齩肉突出如菌大小不同或出如蛇頭長短不一治法當滋肝補氣外塗黎蘆膏齩肉自入須候元氣漸復膿毒將盡塗之有效不然雖入而復潰若誤用刀針蝕藥灸火其勢益甚或出血不止必致寒熱嘔吐等症須大補脾胃為善判官張承恩內股患癰將愈翻出一肉如菌余曰此屬肝經風熱血燥當清肝熱養肝血彼謂不然乃內用降火外用追蝕蝕而復翻翻而復蝕其肉益大元氣益虛始信余言遂內

反花瘡 外科 卷五 十一

用梔子清肝散外用藜蘆膏而痊 一上舍素膏梁  
善怒耳下結一核從潰而瘡口翻張如菌燉連頭痛  
或胸脇作脹或內熱寒熱或用清熱消毒之藥年餘  
未瘥余用補中益氣湯六味地黃丸而尋愈 一男  
子背瘡斂如豆許翻出肉寸餘用消蝕割繫法屢去  
屢大此肝經血虛風熱余用加味道遙散二十餘劑  
塗藜蘆膏而消又用八珍散倍用參芪歸朮而斂  
一婦人素善怒臂患癰瘡口出肉長二寸許此肝脾  
鬱怒氣血虛而風內動用加味道遙散塗藜蘆膏而  
愈後因怒患處脹悶遍身汗出如雨此肝經風熱風

能散氣故耳仍用前散并八珍湯而愈 一男子項  
患腫痰涎涌甚用散堅行氣等劑腫硬愈甚喘氣發  
熱自汗盜汗體倦食少余曰此屬足三陰虧損當滋  
化源不信反追蝕患處開翻六寸許慘巖色赤日出  
鮮血三月餘矣肝脈弦洪緊實余用大補湯加麥門  
五味五十餘劑諸症漸愈血止三四復因怒飲食頓  
少其血湧出此肝傷不能藏脾傷不能攝也用補中  
益氣湯為主加五味麥門其血頓止再以六味丸加  
五味子常服瘡口斂至寸許遂不用藥且不守禁而  
歿

反花瘡 外科 卷五 十一



藜蘆膏

治一切瘡疽肉突出不問大小長短用

藜蘆一味為末以生豬脂和研如膏塗患處周日

易之

麝脂散

治反花瘡

麝脂

貝母

胡粉

硼砂

沒藥

右研細先以溫漿水洗拭後傳藥

甘草塗傳方

治反花瘡

甘草

礬石灰

人中白

蜜佗僧

各半

右為細末以童子小便半盞以無灰火熬用竹篦攪成膏取塗瘡上日五次

惡實根塗傳方

治反花瘡並諸瘡積年不瘥者

惡實根

研末

豬脂

貳兩

右調和如糊塗瘡上日三四次

諸瘡瘻肉如蛇頭出數寸者硫黃末傳之即縮聖

瘡有肉凸出烏梅燒灰為末傳之立盡鬼

梅肉杵細入蜜捏成餅如錢大貼之妙聖

梅治反花瘡馬齒莧壹斤燒灰細研豬脂調傳

世瘡凸出寸許根如小豆或大如梅者用花御蜘蛛

絲纏其根則漸乾而自脫落

*[Faint bleed-through text from the reverse side of the page]*

多骨疽

薛多骨疽者由瘡瘍久潰氣血不能營於患處邪氣陷襲久則爛筋腐骨而脫出屬足三陰虧損之症也  
用補中益氣湯以固根本若陰火發熱者佐以六味丸壯水之主以鎮陽光陽氣虛寒者佐以八味丸益火之源以消陰翳外以附子餅蔥熨法祛散寒邪補接榮氣則骨自脫瘡自斂也夫腎主骨若腎氣虧損其骨漸腫荏苒歲月潰而出骨亦用前法若投以剋伐之劑復傷真氣鮮有不誤者 舉人于廷器腿患流注年餘出腐骨少許午前畏寒午後發熱口乾唾

痰小便頻數余以為足三陰虧損朝用補中益氣湯  
夕用六味丸料加黃芪當歸五味子各三十餘劑外  
用豆豉餅諸症漸愈又以十全大補之類喜其慎疾  
而愈一儒者患附骨疽失於調補瘡口不斂日出  
清膿少許已而常出二腐骨其脉但數而無邪此氣  
血虛瘡結膿管而不能愈維以烏金膏日服十全大  
補湯而愈上舍王廷璋患前症三年未愈肢體消  
瘦飲食難化手足並冷大便不通手足陰冷余謂此  
陽氣虛寒用補中益氣湯八味丸仍灸其患處而痊  
一男子上腭腫硬年餘方潰內熱作渴肢體消瘦

六脉洪大左手尤甚用補中益氣湯六味丸出腐骨  
一塊仍服前藥諸症悉去瘡口亦斂一男子十六  
歲足間腫黯潰而露骨體瘦盜汗發熱口乾用十全  
大補湯六味地黄丸各五十餘劑而愈不然多變瘵  
症或瀝盡氣血而亡一男子自十四歲閃足腫痛  
服流氣飲外敷寒涼腐潰而至十六瘡口開張足背  
漫腫黯黑骨露出形體消瘦盜汗不止發熱口舌乾  
燥天真已喪用十全大補湯六味地黄丸各五十餘  
劑元氣漸復患處漸赤脫落骨一塊又各五十餘劑  
始愈一婦人年三十餘素弱左手背漸腫二年後



熱毒只用寒涼之藥殊不知病有微甚治有逆從不可不審也。脈浮數者邪在表也用葛根牛蒡子湯解毒升麻湯升麻牛蒡子散之類以發之。脈沉實而便秘者邪氣在裏也宜梔子仁湯。脈沉瀯者邪氣入深也宜漏蘆湯大黃湯。表實而不解者散之以芩連敗毒散。裏實而不利者下之以五利大黃湯。表裏俱實而不解者解表攻裏以通聖消毒散。表裏俱解而不消者和之以劫瘴消毒飲。腫甚燉痛者砭去惡血更用消毒以普濟消毒飲。次用十神散。頭面耳項赤腫作痛咽乾發熱脈浮數以黃

連敗毒散。次以劫瘴消毒散。七神散。腫痛發熱作渴脈實便秘者以五利大黃湯。次以追疔奪命湯。又次以水邊嫩柏根水煎入酒和服。腫痛發熱脈浮數以芩連敗毒散。次以退熱消毒飲。又次以七神散。燉腫脹痛作渴寒熱便秘脈數按之尤實以通聖消毒散。次以芩連消毒散。又次以七神散。腫勢已盛大熱脈實者先宜砭去惡血。次以洗瘴散洗之。消腫散刷之。却以蛇不見根同白梅搗傅牙斷含去涎。初服追疔奪命湯。次服七神散。萬病解毒丸。表邪已解腫尚不退脈滑而數乃瘀血欲作膿也。以托裏

時子

小字

七

消毒散潰之若脉浮數或洪數者不可托之只宜消之以烏苞子根水煎服又方以谷藤根水煎服及用祛瘴散服之又宜於鼻內搐通氣散取十餘嚏作効搐藥不嚏者不可治如嚏出膿者治之必愈左右之人每日用嚏藥搐之必不傳染其病人亦每日用嚏藥三五次以泄熱毒此治時毒之良法也經三四日不解者不可大下猶宜和解之犀角連翹散之類至七八日大小便通利頭面腫起高赤者可服托裏散黃芪散

**發表**

一人頭面腫痛服補黃敗毒之劑愈甚診之脉

浮數邪在表尚未解用荆防敗毒散一劑勢退大半更以葛根牛蒡子湯四劑而痊經云身半已上腫天之氣也身半已下腫地之氣也乃邪客心肺之間上攻頭目而為腫此感四時不正之氣也與膏粱積熱之證不同硝黃之劑非大便秘實不可用若不審其因及辨其虛實表裏驟用攻之必致有悞常見饑饉之際芻蕘之人多患之乃是胃氣有損邪氣從之不可不察一人腫痛發寒熱脉浮數以荆防敗毒散二劑少愈再用人參敗毒散一劑勢減半又二劑而痊一人耳面赤腫作痛咽乾發熱脉浮數先以荆

防敗毒散二劑勢退大半又以葛根牛蒡子湯四劑而痊

一人冬月病頭面赤腫耳前後尤甚痛不可忍發熱惡寒牙關緊急涕唾稠粘飲食難下不得安卧醫砭腫上四五十針腫赤不減痛益甚予診其脉浮緊按之洪緩知為寒覆皮毛鬱遏經絡熱不得升聚而赤腫且夫天令寒凜之時腠理閉汗不出血氣強肉堅濇善用針者不得取四厥必待天温又云冬月閉藏用藥多少針石也宜以苦温之劑温經散寒所謂寒緻腠理以苦發之以辛散之方名

托裏温經湯

麻黃 苦温發之為君 去根節貳錢

升麻 苦辛 肆錢

白芷

蒼朮 濕熱則腫蒼朮甘温體輕力雄壯能泄膚膜間濕熱壹錢

人參 去蘆壹錢

甘草 甘温

防風 苦温散寒去蘆貳錢

葛根 甘平解肌出汗專治陽明經邪故以為臣

當歸身 血流不行則痛二味辛温以和血散滯各貳錢

白芍藥 酸微寒調中益氣使托其裏為佐各壹錢半

右剉每服壹兩水貳盞先煎麻黃令沸去沫再下餘藥同煎至壹盞去粗温服服訖以薄衣覆身厚被覆身卧煖處使經血温腠理開寒乃散陽氣升

大汗出腫減七八分再服去麻黃防風加連翹鼠

黏子腫痛悉愈經言汗之則瘡已信哉

郭氏升麻牛蒡子散 治時毒瘡疹麻浮洪在表者

瘡發於頭面胸膈之際

升麻 牛蒡子 炒研

桔梗 葛根 玄參

麻黃 各壹錢 連翹 貳錢

右以咀薑叁片水貳盞作一服

又方 治時毒

升麻 赤芍 乾葛

青木香 甘草 防風

白芷 荆芥 牛蒡子

桔梗 金銀花 玄參

麻黃 連翹 藍葉

右薄荷煎服

芩連敗毒散 治時毒腫痛發熱左脉浮數者

防風 荆芥 黃連

黃芩 連翹 羌活

獨活 柴胡 前胡

川芎 桔梗 藍葉

守壽 癩表 小



本草綱目卷之五 五 二五

玄參

牛蒡子

升麻

赤芍藥

金銀花

白芷

甘草

乾葛

青木香

右生薑薄荷煎服發熱無汗加麻黃

葛根牛蒡湯 治時毒腫痛而便利調和者

葛根

貫眾

甘草又名國老

豆豉

牛蒡子半生半炒各貳錢

右水煎服

返寬丹 治時毒瘡氣疔瘡惡瘡

朱砂

雄黃

血竭

黃丹

穿山甲炮

白礬枯

銅青

乳香

沒藥

輕粉

蟾酥各壹錢

麝香貳分半

右為末酒煮麵糊丸如胡椒大每服貳丸葱白壹根嚼爛裹丸温酒吞下

**攻裏** 一人患此腫痛發熱作渴脉實便閉以五利太

黃湯下之諸證悉退以葛根牛蒡子湯四劑而痊

一人表散藥愈熾發熱便秘診脉沉實此邪在裏也

以太黃湯下之裏症悉退以葛根牛蒡子湯浮腫亦

消惟赤腫尚存更以托裏藥潰之而愈

時毒 攻裏 小斗五 二五

漏蘆湯 治時毒頭面紅腫咽喉閉塞水藥不下若  
素有臟腑積熱發為腫毒疔瘡一切腫瘍惡瘡便  
實者

漏蘆

升麻

大黃

黃芩

甘草

藍葉

牛蒡子

玄參

桔梗

連翹

青木香

苦參

右薄荷煎服

五利大黃湯 治時毒炊赤腫痛煩渴便秘脉實數  
者大効 加連翹玄參大青甘草名梔子仁湯

大黃

黃芩

升麻

梔子

芒硝

右薄荷煎服

加減解毒丸 治時毒疔瘡瘡氣癰疽發背無名腫  
毒解砒霜毒光粉毒鼠莽毒惡蛇毒惡犬毒蜈蚣  
毒白蟻毒蜂蠆毒菌菰毒惡瘡毒可以磨服可以  
磨塗大効如神

五倍子

山茨菇

大戟

朱砂

雄黃

麝香

續隨子

去殼壹兩

時毒

收果

小什

右為末秫米粉煮糊杵搗為丸印作錠子陰乾每服壹錠井花水磨化服冬月薄荷湯磨化服一切腫毒米泔水磨塗或用芙蓉葉搗汁磨塗更妙凡修合此藥要端午七夕重陽日或選天德月德日德天醫日最佳合時要淨室焚香至誠修製勿令孝婦雞犬見之効驗不可具述

**羅時毒疔瘡漏蘆散** 治臟腑積熱發為腫毒時疫疔瘡頭面洪腫咽噎堵塞水藥不下一切危惡疫癘

漏蘆

升麻

大黃

黃芩 各壹兩

藍葉

玄參 各貳兩

右為粗末每服貳錢水煎腫熱甚加芒硝貳錢半消毒丸 治時毒疔瘡惡證

大黃

牡蠣 燒

白僵蠶 炒各壹兩

右為細末煉蜜丸彈子大新水化下一丸無時內加桔梗黍粘子湯尤妙

**發表攻裏**

一人炊腫脹痛作渴煩熱便秘脉數按之

尤實用防風通聖散一劑諸證頓退以荆防敗毒散加玄參牛勞黃芩二劑而差一老冬月頭面耳項俱腫痛甚便秘脉實此表裏俱實也飲防風通聖散

時毒 發表攻裏

外科五

二六

不應遂破患處出黑血仍投前藥即應又以荆防敗  
 毒散而疹蓋前藥不應者毒血凝聚上部經絡藥力  
 難達故也惡血既去其藥自効或拘用寒遠寒及年  
 高畏用硝黃而用托裏與夫尋常消毒之劑或不破  
 泄其毒專假藥力鮮不危矣 海藏云疫毒頭腫者  
 甘桔湯加鼠粘子大黃芒硝  
 防風通聖散 治時毒熱毒便秘熱燥若時毒饑饉  
 之後胃氣虧損者須當審察非大滿大實不用  
 防風 當歸 川芎  
 芍藥 大黃 芒硝

連翹 薄荷 麻黃  
 桔梗 石膏 黃芩 各壹兩  
 白朮 山梔 荆芥 各貳錢  
 甘艸 貳兩 滑石 壹兩 荆芥 伍分  
 右水煎服或為末白湯調下仍量入虛實  
 通聖消毒散 治時毒腫痛表裏俱實者  
 防風 荆芥 連翹  
 赤芍藥 當歸鬚 黃芩  
 麻黃 梔子 青木香  
 黃連 黃蘗 石膏

時毒

小科五

二十七

滑石

大黃

朴硝

牛蒡子

川芎

桔梗

玄參

藍葉

甘草

右薄荷煎服

大便利去大黃朴硝

**半表半裏中和湯**

治時毒脉浮在半表半裏者

菖蒲

牛蒡子

川芎

羌活

防風

漏蘆

荆芥

麥門冬

前胡

甘草各等分

右以咀每服壹兩水煎

按此出足太陽陽明例藥也

**內托**

一婦頭面俱赤腫焮痛甚盛其脉浮數此形證

俱在表也以平昔胃氣有損不可用發表之劑宜用

潔古法托裏以防邪毒之內侵作內托復煎散一劑

終日飲之兩日而平

內托復煎散見前通

**內消**泰和年東垣監納濟源稅時長夏多疫癘初覺

憎寒體重次傳面目腫盛目不能開上喘咽喉不利

舌乾口燥俗云大頭天行親戚不相訪問如染之多

不救張縣丞亦得此證至五六日醫以承氣湯加藍

根下之稍緩翌日其病如故下之又緩終莫能愈漸

至危篤或曰李明之存心於醫可以請治遂命診視  
具說其由曰夫身半已上天之氣也身半已下地之  
氣也此雖邪熱客於心肺之間上攻頭而為腫盛以  
承氣下之瀉胃中之實熱是誅伐無過殊不知適其  
病所為故遂處方用黃連黃芩味苦寒瀉心肺間熱  
以為君橘紅玄參苦寒生甘草甘寒瀉火補氣以為  
臣連翹鼠黏子薄荷葉苦辛平板藍根味甘寒馬屁  
勃白僵蠶味苦平散腫消毒定喘以為佐新升麻柴  
胡苦平行後急者謂前緩劑已經高分瀉邪氣入於  
中是到陰部染於有形質之所若不速去反損陰也

此却為客邪當急去之是治客以急也且治主當緩  
者謂陽邪在上陰邪在下各為本家病也若急治之  
不惟不能解其紛而反致其亂矣此所以治主當緩  
也治客當急者謂陽分受陽邪陰分受陰邪主也陽  
分受陽邪陽分受陰邪客也凡所謂客者當急去之  
此治急以客也 假令少陽陽明之為病少陽為邪  
者出於耳前後也陽明者首面大腫也先以黃芩黃  
連甘草通炒過剉煎少少不住服呷之或服畢再用  
大黃或酒浸或煨又以鼠黏子新瓦上炒香咬咀煎  
去渣內芒硝各等分亦細細呷之當食後用徐得微

利及邪氣已只服前藥如不已再服後藥依前次第  
 用之取大便利邪已即止如陽明渴者加石膏少陽  
 渴者加瓜蒌根湯陽明行經加升麻葛根芍藥之類  
 太陽行經加羌活防風荆芥之類選而加之並與上  
 藥均合不可獨用散也東垣方名普濟消毒  
飲子見雜病頭痛門  
 芩連消毒飲 治時毒發熱惡寒頭項腫痛脉洪數

防風

荆芥

連翹

柴胡

黃芩

川芎

羌活

桔梗

藍葉

射干

白芷

牛蒡子

黃連

甘草

青木香

金銀花

右薄荷煎服

**和榮衛**

一婦表邪已解腫尚不消診之脉滑而數乃  
 瘀血作膿也以托裏消毒散潰之而愈 一婦腫痛  
 用硝黃之劑攻之稍緩翌日復痛診之外邪已退亦  
 瘀血欲作膿亦以前藥潰之愈 一人表裏俱解惟  
 腫不消以托裏消毒散四劑膿成針之而愈 少宰  
 李蒲汀用發散之藥耗損元氣患處不消體倦惡寒  
 食少口乾用補中益氣加桔梗及托裏消毒散而愈  
 秋官陳同野元氣素弱脉微細而伏此形病俱虛

也用參朮芎歸陳皮柴胡升麻炙甘草以升舉陽氣  
用牛蒡玄參連翹桔梗以解熱毒一劑腫頓消而脉  
亦復矣苟以脉微細為屬陰以腫赤為屬陽而藥之  
鮮有不誤者一婦人潰後腫赤不消食少體倦膿  
清色白乃脾肺氣虛也先用六君加桔梗芎歸後用  
益氣湯加桔梗而飲

**通鼻**通氣散治時毒炊腫咽喉不利取嚏以泄其毒

玄參壹錢 豬牙皂角

川芎各壹錢

北細辛 藜蘆 草烏頭 羊躑躅花

右為末用紙捲蘸少許入鼻內取嚏為度一日二次

### 流注

**薛**流注之證或因飲食勞倦脾胃傷損或因房勞陰  
虛陽氣湊襲或因營氣不從逆於肉理或因腠理不  
密外邪客之或暴怒傷肝或鬱結傷脾或濕痰流注  
或跌撲血滯或產後惡露皆因氣血凝滯而成也或  
生於四肢關節或生於胸腹腰髻或結塊或漫腫或  
作痛皆元氣虧損所致悉宜葱熨及用益氣養榮湯  
固其元氣則未成者自消已成者自潰若久而不斂  
佐以豆豉餅琥珀膏祛散寒邪補接陽氣若內有膿  
管而不斂者用針頭散腐化之經云形傷痛氣傷腫



又曰真氣奪則虛邪氣盛則實若不補氣血節飲食  
慎起居戒七情而專用寒涼尅伐其不死者幸耳  
黃不串流者俗曰馬瘕串流者名曰走散流注俗曰  
瓜藤馬瘕外形微腫骨節內疼甚名曰啣骨馬瘕若  
遍身骨節內疼痛不能起坐無堆作熱不退者亦曰  
啣骨馬瘕若脊骨及髀骨上起堆或一二个或三五  
个名曰過脊馬瘕若尾骶骨上起堆作熱者名曰殺  
着馬瘕若髀骨下痛甚無堆但腫者名曰鎖脚馬瘕  
若骨相交接之處疼痛無堆微腫名曰接骨馬瘕此  
證因風熱走散四肢治當疎風散熱初起不可用火

針烙之腫勢盛者只宜刺以稜針久熱者可火針烙  
之流注入股者死傷寒餘邪未盡者和解之以人  
參敗毒散次以小柴胡合二陳湯加羌活川芎枳殼  
當歸白朮暴怒所致胸膈不利者調氣為主宜方  
脉流氣飲抑鬱所致而不痛者宜調經肌補氣血  
益氣養榮湯腫硬作痛者行氣和血宜瘡科流氣  
飲潰而不斂者益氣血宜人參養榮湯十全大補  
湯脾氣虛濕熱凝滯肉理而致者但腫一塊不痛  
肉色不變飲食少思宜健脾除濕六君子湯加芎歸  
黃芪白芍肉桂一悶胸瘀血凝滯為患者和氣血調

經絡宜方脉流氣飲次以二陳合四物加香附烏藥  
桔梗寒邪所襲筋攣骨痛或遍身痛宜溫經絡養  
氣血宜天防風湯及五積散合敗毒散加川牛膝杜  
仲或獨活寄生湯次以四物湯加黃芪羌活杜仲  
病尚有潮熱者裏有寒邪未盡散宜榮衛返魂湯加  
乾葛升麻紫蘇川芎獨活薑朮煎服如無潮熱用  
榮衛返魂湯加獨活酒水各半煎服接骨馬瘕用  
穿山蜈蚣白田柯石楠藤山良薑九節香紫金皮含  
笑葉煎水時時熱淋洗之却服續骨散九金六馬散  
起堆核數枚但小些名馬疔又名馬鈴用紫金鐘

紫金皮紫河車天南星磨醋煖塗又用紫金皮紫金  
藤紅肉消馬蹄香馬蹄藤煎酒服鎖脚馬瘕用野  
芋子根馬藍草梨蘆子紫河車山枇杷根皮山布瓜  
根紫金皮搗爛鹽糟炒縛又以煎水熱淋洗之却服  
輕脚散九金六馬散啣骨馬瘕用穿山蜈蚣紫金  
皮石楠藤白田柯溪楓根九節香對節金鷲煎水淋  
洗却服啣骨散九金六馬散四味浸酒方過脊馬  
瘕用山枇杷根皮黎蘆子小樟子根皮天門冬天南  
星仙人掌根山布瓜根赤牛膝半夏凌霄根皮佛桑  
花馬藍草野芋子根天銅柯普管子根皮赤毛桃根

皮赤芍根皮搗爛半油半醋調煖刷查封瓜藤馬瘕  
並効却服蠲脊散九金六馬散瓜藤馬瘕用山布  
瓜根多赤葛子根皮樟柳根紫金皮紫金鍾落鴉鎗  
根七葉楊香天花粉真珠簾根白芙蓉葉凌霄根皮  
溪楓根皮赤毛桃根皮搗爛鹽糟炒縛之又方山布  
瓜根葛合根紫河車黎蘆子馬鞭穢紫金皮山枇杷  
根皮凌霄根皮佛桑花落鴉鎗根白田柯搗爛鹽糟  
炒縛之又方山布瓜根紫金皮溪楓根皮搗爛酒炒  
縛之此方馬瘕並大効却服九金六馬散四味浸酒  
方又用洗腫方熱淋之殺着馬瘕用紫河車山枇

杷根皮黎蘆子山布瓜根凌霄根皮佛桑花葛合根  
石萍搗爛醋調刷查封用洗腫方淋洗却以九金六  
馬散蠲軀散服之諸馬瘕有熱者用去熱散有表  
者用荆防敗毒散有裏者用內疎黃連湯有表復有  
裏者用追疔奪命湯却用水金鳳搗爛縛核堆上即  
効馬瘕有熱未成服藥即能退之若已成者但要  
出膿其熱即退若生堆核四五个只一二个未成膿  
餘者皆已出膿其熱亦不能退要五个盡出膿熱方  
退也若潰爛者即係潰瘍宜查本門治之

治驗

一人因怒脇下作痛以小柴胡對四物加青皮

桔梗枳殼而愈。一人醫腫一塊微痛脉弦緊以瘡  
科流氣飲四劑而消。一人因怒脇下腫痛胸膈不  
利脉沉遲以方脉流氣飲數劑少愈以小柴胡對二  
陳加青皮桔梗貝母數劑頓退更以小柴胡二十餘  
劑而痊。一婦因閃胸肩患腫遍身作痛以黑丸子  
二服而痛止以方脉流氣飲三劑而腫消更以二陳  
對四物加香附枳殼桔梗而愈。一婦腿患筋攣骨  
痛諸藥不應脉遲緊用大防風湯一劑頓退又一劑  
而安。又一婦患之亦然先用前湯二劑更服黑丸  
子而痊此二患若失治潰作敗症。一婦稟弱性躁

脇臂腫痛胸膈痞滿服流氣敗毒及養熱少食用四  
七湯數劑胸寬氣利以小柴胡對四物加香附陳皮  
腫痛亦退。一人腿患潰而不斂用人參養榮湯及  
附子餅灸更以補劑煎膏貼之兩月餘愈。一人脾  
氣素弱臂腫一塊不痛肉色不變飲食少思半載不  
潰先以小君子加芎歸芍藥二十餘劑飲食漸進更  
以豆豉餅日灸數壯于前藥再加黃芪肉桂三十餘  
劑膿熟針去以十全大補湯及附子餅灸之月餘而  
愈。一人腿腫肉色不變不痛脉浮而滑以補中益  
氣湯加半夏茯苓枳殼木香飲之以香附餅熨之彼

謂氣無補法乃服方脉流氣飲愈虛始用六君子湯  
加芎歸數劑飲食少進再用補劑月餘而消夫氣  
無補法世俗論也以其為病痞滿壅塞似難為補殊  
不知正氣虛不能運行則邪氣滯而為病不用補法  
氣何由行乎一人臂腫筋攣骨痛年餘方潰不斂  
診脉更虛以內塞散一料少愈以十全大補湯及附  
子餅灸而愈精要云留積經又極陰生陽寒化為  
熟以此瀉多成瘦宜早服內塞散排之一人腿腫  
一塊經年不消且不作膿飲食少思強食則脹或作  
瀉日漸消瘦診脉微細此乃命門火衰不能生土以

致脾虛而然也遂以八味丸飲食漸進腫患亦消  
一人背髀患之微腫形勞氣弱以益氣養榮湯間服  
黑丸子及木香生地黃作餅覆患處敷之月餘膿成  
針之仍服前藥而愈一人腿患久而不斂飲大補  
藥及附子餅以針頭散紙之而愈一人臂患年餘  
尚硬飲食少思朝寒暮熱八珍湯加柴胡地骨皮牡  
丹皮月餘寒熱少止再用益氣養榮湯附子餅灸兩  
月餘膿成針之更服人參養榮湯半載而愈一婦  
膿潰清稀脉弱惡寒久而不愈服內塞散灸附子餅  
而瘳一人臂患出腐骨三塊尚不斂發熱作渴脉

浮大而瀉乃氣血俱損須多服生氣血之劑庶可  
全彼謂火尚未盡乃用涼藥內服外敷幾危求治其  
形甚悴脉愈虛先以六君子加芎歸月餘飲食漸進  
以八珍湯加肉桂三十餘劑瘡色乃赤更以十全大  
補湯外以附子餅僅年而差一老傷寒表邪未盡  
股內患腫發熱以人參敗毒散二劑熱止灸香附餅  
又小柴胡加一陳羌活川芎歸木枳殼數劑而消  
侍御朱東溪左脇下近腹肝膽經部分結一塊四寸  
許漫腫不赤按之則痛余曰此當補脾胃彼謂腫瘍  
宜表散乃服流氣飲後胃氣頓虛始信余言遂用四

君子加芎歸酒炒芍藥薑桂胃氣復而惡症退乃去  
乾薑加黃芪數劑微赤微痛又三十餘劑焮腫大痛  
此膿內潰也遂針之用補中益氣湯加減八味丸而  
愈一男子脇腫一塊日久不潰按之微痛脉微而  
瀉此形證俱虛當補不當瀉乃用人參養榮湯及熱  
艾熨患處膿成以火針刺之用豆豉餅十全大補湯  
百劑而愈一婦腰間患一小塊肉色如常不潰發  
熱予欲治以益氣養榮解鬱之劑彼却別服流氣飲  
後針破出水年餘而歿又一婦久不斂忽發寒熱予  
訣其氣血俱虛彼反服表散之劑果發大熱亦歿

一人元氣素弱患此胸膈不利飲食少思予欲健脾  
解鬱養氣血彼反服辛香流氣之劑致腹脹又服三  
稜蓬木厚朴之類飲食少四肢微腫兼腰腫一塊不  
潰而歿 一婦經不調兩月或三月一至四肢腫飲  
食少日晡發熱予曰此脾土氣血虛也用養脾滋氣  
血藥飲食進則浮腫自消血氣充則經水自調彼以  
為緩用峻劑先通經果腹疼泄不止遍身浮腫飲食  
少沒於木旺之月 一人年踰三十小腹腫硬逾年  
成瘡頭破時出血水此七情所傷營氣逆于肉理也  
名曰流注診之肝脉瀦蓋肝病脉不宜瀦小腹正屬

流注 卷之五 三七

肝經須瀦屬金脉退乃可予欲以甘溫之藥補其氣  
血今自消潰彼不信乃服攻伐之藥氣血愈虛果歿  
于金旺之月 一男子腹患此腫硬不潰脉弱時嘔  
欲用敗毒等藥余謂腫硬不潰乃陽氣虛弱嘔吐少  
食乃胃氣虛寒法當溫補脾胃彼不信仍用攻伐而  
嘔愈甚復請治脉微弱而發熱余曰熱而脉反靜脫  
血脉及實汗後脉反躁者皆為逆也辭不治後果歿  
瘡科流氣飲 治陰發流注恚怒氣結堆核腫硬作  
痛或胸膈痞悶或風寒濕毒搏於經絡或血不和  
結成腫塊肉色不變或漫腫木悶無頭或陰發岩

流注 小引 三七

乳等證未成速散已成速潰敗膿自出惡肉自去  
非常之驗

桔梗

人參

當歸

肉桂

甘草

黃芪

厚朴

紫蘇

白芍藥

烏藥

防風

枳殼

檳榔

南木香

川芎

白芷

右生薑煎服

疼痛加乳香沒藥

不乾加知母貝母 瘡不乾加炒皂角刺 流

注加羌活獨活 氣滯加香附 胃虛加陳皮

此乃行氣散血之劑若服之過度則氣血虛耗何  
以為膿學者知之

敗毒流氣飲 治流注初發堆核硬痛不可忍者宜

用此藥疎邪流氣

羌活

獨活

青木香

赤芍藥

當歸

紫蘇

陳皮

香附

白芷

三稜

蓬莪茂

枳殼

川芎

桔梗

柴胡

半夏 薑製

赤茯苓

甘艸



流注 夕五 三九

右生薑生地黃煎服ス 熱加大黃黃芩ラ 虛加人

參黃芪ラ

方脉流氣飲 治陰發流注瘰癧及鬱結腫聚結塊

或走注疼痛或心胸痞悶脇腹脹滿嘔吐不食上

氣喘急咳嗽痰盛或面目四肢浮腫大小便秘者

紫蘇 青皮 白芍藥

當歸 白茯苓 烏藥

桔梗炒 半夏薑製 黃芪炒

川芎 枳實炒 陳皮

防風 南木香 大腹皮

甘草 檳榔 枳殼

右生薑煎服ス 流注加羌活獨活白芷稍ラ 小便

不通加木通梔子ラ 浮腫加豬苓澤瀉ラ 氣滯加

香附ラ 血滯加肉桂ラ 嘔吐加藿香ラ 瘰癧加夏

枯草ラ

此行氣耗血之劑不過二三劑止之不可多服ス

去熱散 治馬瘕發熱者此藥退熱腫瘍亦效ラ

吉面消 山烏豆 雞屎子

雞胆根 水坊子 過山龍

金涼傘大葉 白根子 紫金藤

注

九牛天竹

臭木待根

連义大青

落鴉爪藤

右水煎服

九金六馬散

治馬瘕流注馬瘰馬面馬腿馬挪癰

疽腫瘍乳癰脇癰便毒頭風風核等發者

鐵馬鞭

白馬骨

地馬稍

紫金藤

馬蹄藤

金星草

金驚根

金銀花

山紅花根

馬蹄金

紫金皮

金涼傘根

金腦香

山烏豆

雞屎子

毛裏金釵

小滾子根

穿山蜈蚣

右水煎入酒和服

散血消核湯

治馬瘕

紫金皮

大薊根

山蘇木

溪楓根

山烏豆

雞屎子

赤牛膝

馬蹄金

馬蹄藤

鐵馬鞭

白馬骨

馬蹄香

穿山蜈蚣

右水煎入酒和服

二馬散 治馬瘕

馬蹄金

鐵馬鞭

撥雪根

右水煎入少酒和服

立刻散 治馬瘕

水滾子根 又名溪楓根 又各水楊柳多

淡茶櫟根 中

晚祥西根 少

右水煎入酒和服或合六馬散亦効

浸酒方 治馬瘕創人此藥退創

老公鬚 根 毛裏金釵 根 狗骨子 根

大葉毛吹曲 右浸酒煖服不可煎

續骨散 治接骨馬瘕

天燈心 紫背草 赤牛膝

山蘇木 鈞鈎藤 馬蹄香

馬蹄金 紫金皮 天花粉

白馬骨 鐵馬鞭 臭木待 根

酒罈子 根 右酒水各半煎服

輕脚散 治鎖脚馬瘕

天燈心 紫背草 赤牛膝

鈞藤根 山蘇木 酒壘根

白馬骨 馬蹄金 鐵馬鞭

穿山蜈蚣

右酒水各半煎服

朔骨散 治朔骨馬瘕

元注

小注

四三

馬蹄金  
馬蹄藤  
白馬骨

紫金皮  
鈎鈎藤  
鐵馬鞭

酒罈根  
馬蹄香  
天燈心

山蘇木  
赤牛膝  
地茄根

紫金藤  
李子根  
臭木待根

烏苞子根  
穿山蜈蚣

右水酒各半煎服

蠲脊散 治過脊馬瘕

紫金皮  
天燈心  
酒壘根

馬蹄香  
馬蹄金  
紫背草

狗骨根  
地茄根  
山蘇木

白馬骨  
鐵馬鞭  
臭木待根

右生地黃酒水各半煎服

蠲散 治殺着馬瘕

溪楓根  
白田柯  
赤牛膝

白馬骨  
撥雪根  
馬蹄金

金腦香  
馬蹄藤  
馬蹄香

地馬稍根  
穿山蜈蚣

右水酒各半煎服

退創散 治馬瘕滿身創人轉動不便

地馬稍根 白馬骨 鐵馬鞭

頭形花根 雞屎子 詐死子

馬蹄金 山茄根 狗骨根

對節金驚根

右水煎入酒和服

釣鈎藤散 治馬瘕腫瘍病後筋脉拘急

釣鈎藤 伸筋藤 石楠藤

羊帶歸根 天燈心 狗骨子根

真珠簾根 豨薟艸根

右水煎入酒和服

馬鞭散 治馬瘕

石楠藤 涼藤子 晚祥西

雪裏開 馬蹄金 鉄馬鞭

鬼腰帶根

右水煎入酒和服又用雪裏開搗糟炒縛之又用

樟樹根皮山枇杷根皮搗糟炒縛之

妙草散 治病馬瘕

白根子 赤苧根皮

右搗糟炒縛之又用七層樓煎酒服之

二妙散 治滿身起堆是馬瘕



一忌輕粉及冷水致後筋骨疼痛結成風塊或一二  
年或數年方發其狀堅硬肉色平淡或痛或痒多結  
於骨節頭面喉鼻之間經絡交會之處已破則膿水  
淋漓甚可畏也輕則發廣癬亦名千層癬多生手心  
足底重疊不已又有餘毒亦名氣毒筋骨疼痛來去  
不定亦名濕毒筋骨痛酸乍作乍止宜隨其淺深治  
之先服消風敗毒後服補劑瘡勢盛及結毒深者必  
用熏藥後服通聖散以泄火毒後服八珍湯大補湯  
之類弱者不宜熏恐不能勝火氣也 薛屬元氣不  
足邪氣所乘亦有傳染而患受症在肝腎二經故多

在下體發起有先筋骨痛而後患者有先患而後痛  
者初起脉浮數邪在脾肺經也先用荆防敗毒散解  
散之脉弦數邪在肝膽經也先用龍膽瀉肝湯清解  
之脉沉數邪在臟腑也先用內疎黃連湯通導之後  
用換肌消毒散為主愈後再無筋骨疼痛之患若瘡  
凸赤作痛熱毒熾盛也瘡微作痛毒將殺也瘡色白  
而不結痂陽氣虛也色赤而不結痂陰血虛也搔痒  
脉虛浮氣不能相榮也搔痒脉浮數血不能相榮也  
醫背間或頸間作痒膀胱陰虛也陰器間或股內痒  
肝經血虛也陰囊作痒重墜肝經陰虛濕熱也小便

頻數短少色赤肝經陰虛也小便頻數色白短少脾  
肺氣虛也面目搔痒或搔變赤外邪相搏也眉間痒  
或毛落肝膽血燥也飲食少思口乾飲湯胃氣虛也  
飲食難化大便不實脾氣虛也侵晨或夜間泄瀉脾  
腎虛也若治失其法有蝕傷眼目腐爛玉莖拳攣肢  
體者但用九味蘆薈丸以清肝火六味丸以生腎水  
蠲痺解毒飲以養血祛邪亦有可愈者若悞用輕粉  
等劑反為難治濕勝者宜先導濕表實者宜先  
解表裏實者宜先疎裏表裏若俱實解表攻裏  
表虛者補氣裏虛者補血表裏俱虛者補氣

血一人遍身皆患左手脉數以荆防敗毒散表症  
乃退以仙方活命飲六劑瘡漸愈兼葶藶湯月餘而  
痊一婦焮痛發熱便秘作渴脉沉實以肉苳黃連  
湯二十劑裏症已退以龍膽瀉肝湯數劑瘡毒頓退間  
服單解湯月餘而痊一人下部生疔諸藥不應延  
及遍身突腫狀如翻花筋攣骨痛至夜尤甚此肝腎  
二經濕熱所致先以導水丸進五服次以龍膽瀉肝  
湯數劑再與除濕健脾之藥外貼神異膏吸其膿隔  
蒜灸拔其毒而愈若表實者荆防敗毒散裏實  
者防風通聖散氣虛者四君子血虛者四物仍



加兼症之藥並愈 若服輕粉等藥反收毒于內以致迭發 槩服防風通聖則氣血愈虛因而不治者多矣 一人患之發寒熱作渴便秘兩手肌實用防風通聖散而退以荆防敗毒散兼龍膽瀉肝湯而痊 一人患之腫痛先以龍膽瀉肝湯導水丸各四劑少愈再以小柴胡加黃蘗蒼朮五十餘劑而平 一人玉莖腫潰小便赤澁肝脉弦數以小柴胡加木通青皮龍膽草四劑又龍膽瀉肝湯數劑而痊 一童玉莖患之延及小腹數枚作痛發熱以小柴胡湯吞蘆薈丸更貼神異膏月餘而痊 一人愈後腿腫一

塊久而潰爛不斂以蒜搗爛傅患處以艾灸其上更貼神異膏及服黑丸子并托裏藥兩月而愈 一婦然輕粉藥於被中熏之致遍身皮塌膿水淋漓不能起居以滑石黃蘗為末菴豆粉等分鋪席上令可卧更以金銀花散月餘而痊 一人背愈但背腫一塊甚硬肉色不變年餘方潰出水三載不愈氣血俱虛飲食少思以六君子湯加當歸藿香三十餘劑更飲草薺湯兩月餘而痊 一人患之勢熾兼脾胃氣血皆虛亦服前藥而痊 一婦患之皆愈惟兩腿兩膝各爛一塊如掌兼筋攣骨痛三載不愈諸藥不應且

楊梅瘡  
夕和五  
四  
晡熱甚飲食少思以草薢湯兼逍散倍用白朮茯苓數劑熱止食進貼神異膏更服八珍湯加牛膝杜仲木瓜三十餘劑而痊 一人楊梅瘡後兩腿一臂各潰二寸許一穴膿水淋漓少食不睡久而不愈以八珍湯加茯苓神酸棗仁服每日以蒜搗爛塗患處灸良久隨貼膏藥數日稍可却用豆豉灸更服十全大補湯而愈 凡有腫硬或作痛亦用蒜灸及敷中和膏內服補藥並效 一儒者患前證先玉莖作痒出水後陰囊股內小腹脇臂發小癩或乾膿窠誤服祛風等藥肢體倦怠惡寒發熱飲食漸減大便不實左

尺洪數左關弦數右關浮緩按之微弦余曰此患屬肝膽經也左關脈弦左丸脈浮數者腎水少而虛熱傳於肝也右關脈浮緩脾胃之氣弱也按之而弦者肝木乘脾土也用六味地黃丸補中益氣湯為主佐以換肌消毒散而愈 一儒者患前症色焮赤作痛大便秘而不實服祛風敗毒等藥舌痛口乾脈浮而數此邪氣去而陰虛所致用六味丸料加山梔當歸四劑脈症頓退又用八珍湯加山梔丹皮瘡色漸白後用四君加歸芪而愈 一患者服攻毒等藥患處凸而色赤作痛肢體倦怠惡寒發熱脈浮而虛此元

氣復傷而邪氣實也。用補中益氣湯二劑而痊。一  
儒者患之。誤服祛風消毒之藥。復傷元氣。因勞役過  
度。內熱口乾。齒齦作痛。右關脈洪數。而虛。此脾胃受  
傷。而火動。用清胃散之類而愈。進士劉華甫患之。  
數月。用輕粉硃砂等藥。頭面臂膊各結一塊。二寸許。  
潰而形氣消弱。寒熱口乾。舌燥唇裂。小便淋漓。痰涎  
上湧。飲食少思。此脾胃傷。諸臟弱。而虛火動也。先用  
六君子二十餘劑。又用補中益氣。加山茱萸。山藥。麥  
門。五味。服之。胃氣復。而諸症愈。惟小便未清。痰涎未  
正。用加減八味丸而痊。一儒者患之。頭面搔痒。或

成粒。或成片。或出水。脾肺脈俱洪數。此風邪所傷。先  
用荆防敗毒散。加葶藶。釣藤。鈎藤。鈎數劑。漸愈。但口乾。肉  
熱。用四物。加山梔。釣藤。金銀花。甘草。節而愈。後遍身  
搔痒。內熱口乾。佐以六味丸而痊。一商人每勞役  
飲酒。後則遍身生瘡。服祛風敗毒之劑。面目胸背臂  
脇結一塊。如桃栗。凹凸痒痛。膿水淋漓。氣血虛甚。寒  
熱往來。作渴。痰壅。此濕熱壅盛。元氣虛而不能愈也。  
外敷當歸膏。內服補陰八珍。加葶藶。伍錢。并換肌消  
毒散。加乾葛。釣藤。鈎各壹錢。二十餘劑。諸症漸退。仍  
以前藥為主。佐以調理之劑。兩月餘。血氣復。而瘡愈。

草薺湯

川草薺

一名土茯苓 俗呼冷飯團

每服貳兩水參鍾煎壹鍾半去粗徐徐溫服病甚患久者以此一味為主而加以兼證之劑

換肌消毒散

治時瘡不拘初起潰爛

土茯苓

伍錢

當歸

酒洗

白芷

皂角刺

薏苡仁

各壹錢

白鮮皮

木瓜

不犯鐵器

木通

金銀花

各柒分

炙甘草

伍分

右水煎服

蠲痺消毒散

治時瘡肢節拘攣

薑黃

土茯苓

獨活

各伍錢

白朮

當歸

各壹錢

赤芍藥

壹錢

白芷

伍分

右水煎服

蠲毒換肌飲

治楊梅瘡

冷飯團

白色者木槌打碎肆兩

右以長流水肆大碗入砂

鍋內煎至參碗入後藥

黃瓜萹

連仁柞爛或細切壹个

黃芪

鹽水炒參錢

白芍藥

當歸

各壹錢半

木瓜

白芷

風藤

白鮮皮

貝母

天花粉

穿山甲

皂角刺

甘草節 各壹錢

漢防已 柒分

鼈虱胡麻 炒研

金銀花 叁錢

豬胰子 切碎壹兩

右再煎至壹大椀通口頓服胃弱者分為貳服日

三服

又方

木瓜

牛膝 去蘆

生地黃

當歸

金銀花

貝母 已上各貳錢

粉草節

五加皮

天花粉

地骨皮 已上各壹錢半

鼈虱胡麻仁 炒香研

薏苡仁 炒叁錢

白芷

大風藤 各壹錢

薏苡仁 炒叁錢

柴胡 伍分

獨核肥皂子 去硬殼

皂角子 柒个炒打碎

冷飯團 肆兩白色者可

豬胰子 貳兩切碎

白鮮皮 壹錢貳分

河水參大椀入砂鍋內煎至壹大椀空心上下午

飢時各壹服忌食茶醋牛肉河狍豬肝腸

洗湯方

五倍子 肆兩

皮硝 壹兩

地骨皮 叁兩打碎

甘草 壹兩伍錢作片

艾葉 貳兩

蔥 拾枝

入麻布囊中煎極濃湯壹鍋勿侵生水先以一分

滾湯乘熱薰洗旋添熱湯浴至汗出為度浴時先

服前煎藥一服

點藥方

真輕粉 伍分

杏仁 米粒 去皮

冰片 叁釐

三味同搗極爛洗淨點上

楊梅瘡丸藥方

白花蛇 肆寸 酥炙

露蜂房 壹枚 煨

全蠍 肆枚 酒浸蜜炙去足螯

蜈蚣 貳條 煨

龜板 壹兩 酥炙

雄黃

飛丹 各壹錢

槐花米

雨前細茶 各伍錢

孩兒茶

辰砂 各伍分 為衣

麝香 叁分 加此 同砂為衣

右用黃米飯為丸日進二三服好酒送下七日後

瘡即光矣 當加樺皮灰

發微瘡毒方

用雄羊肉壹斤水捌碗煮熟入後藥

川芎

大黃

蟬蛻

麻黃

威靈仙 各壹兩 此味 虛人不可多用

共五味入羊肉內煎至壹大碗空心服其羊肉任意食之蓋被取汗天明洗浴只用一貼立効

圍藥方

丁香 檀香

沉香

乳香 各伍錢

赤石脂 叁兩

麝香 壹錢

桑霜 兩

蠟水調圍

廣瘡膏

亦治結毒

黃連

黃蠟 各叁錢

木鼈子 去殼

蕪艾 各貳錢

韶粉

白蠟 各壹錢

雄黃 壹錢

蘆甘石 伍錢

龍骨 伍分

水片 壹分

香油煎膏 原方有樟腦參錢恐作痛故去之

熏法 治楊梅瘡毒流注四肢或遍身結成大瘡久

不能愈者用此法熏之極妙能收輕粉毒

好艾葉 壹斤 抄熟

雄黃 壹兩

黃丹 壹兩

松香 肆兩

蒼朮 半斤 米泔製過

右四味為末入艾拌勻用黃紙做成藥筒五寸長

以火燒着頭將烟熏瘡口待筒燒過一半去  
用水銀膏貼之次日又洗又熏之半月有效如重  
二十日有效

洗藥方

石菖蒲

荆芥

防風

羌活

獨活

金銀藤

地骨皮

何首烏

甘草

右日日煎湯洗之

水銀膏 亦治臙瘡

無名異

水銀

銀朱

黃丹

百草霜 各等分

右研極細和勻用桐油調成膏油紙攤作隔紙膏貼之其油紙先用黃連黃蘗煎湯刷數遍然後貼

又捷法 治楊梅瘡不問新舊並効不過旬日用膽礬白礬末并水銀各參錢半入香油津唾各少許和勻坐無風處取藥少許塗兩脚心以兩手心對脚心擦磨良久再塗藥少許仍前再擦用藥盡即吐汗出或大便去垢口出穢涎為驗連擦三日煎通聖散澡洗更服內疎黃連湯或敗毒散愈後服草薢湯有熱加芩連氣虛參芪血虛四物之類

惡瘡

諸痛痒瘡皆屬於心諸濕腫滿皆屬於脾心主血脾主肉血熱而肉濕濕熱相合潰敗肌膚浸淫不休不可以定名命之故謂之惡瘡也然有辨焉如疥癬癩疹之屬怫鬱氣血在皮膚腠理間者可以表而散內經有謂汗之則瘡已者是已若鬱氣血在肌肉之分外連皮膚作寒熱而生膿者或七情所招或膏粱之變皆宜解內熱不宜汗也張仲景所謂瘡家不可發汗汗之則瘡者是已一瘡而有宜汗不宜汗之別熱有淺深表裏故也故瘡在皮膚則當因其輕而揚之



汗之浴之外以殺蟲潤燥皆解疑結涎沫之藥傳之  
瘡在肌肉則當因其重而減之瀉經絡之熱清涼氣  
血外以化膿生肌膏燻之瘡在頭顛則當射而取之  
用酒製寒涼劑更以風藥升而上之外以殺蟲解熱  
藥傳之能明此三者其於治瘡思過半矣  
乳香消毒散寶鑑 專治惡瘡

大黃煨

黃芪

牛蒡子炒

金銀花各伍兩

甘草叁兩

牡礪鹽泥煨 伍兩

乳香

沒藥

懸菴各半兩

右為粗末每服伍錢水煎瘡在上食後在下食前

連翹飲

治諸惡瘡紅赤痛痒心煩口乾及婦人血

風斑圓點開爛成瘡痒痛流黃水汁

連翹

當歸

瓜蒌根

生乾地黄

荆芥

黃芩

赤芍藥

麥門冬

瞿麥

木通

牛蒡子炒

山梔子

防風

川芎

粉草各等分

右咬咀每服肆錢水壹盞半燈心貳拾莖煎至捌  
分去滓不拘時服

救苦黃芪散

治惡瘡癰癤

黃芪

當歸

芍藥

瓜蒌根

甘草

瓜蒌

金銀花

熟地黄

皂角刺

右吹咀每服半兩無灰好酒壹升同引子裝入磁瓶內瓶頭用箬葉封將瓶坐於鍋內上以火盆覆鍋口盆外以黃泥封之勿令出氣煮至外聞藥香為度取出瓶澄定飲清將藥滓再添酒壹升依前煮服若飲少者酒水各半煎服瘡在上食後臨卧服在下空心服此藥治病萬無一失神驗如谷應聲常於五月五日修合

托裏金銀地丁散

治諸惡瘡腫毒疼痛

金銀花

黃連

當歸

紫花地丁

赤芍藥

黃芪

人參

甘艸節

桔梗

大黃

乳香

白檀香

沒藥

連翹

子芩

梔子仁

玄參

麥門冬

前胡

甘草

右吹咀每服伍錢水壹盞酒壹盞煎至捌分去滓  
 隨病上下溫服

紫花地丁散 治諸惡毒瘡腫痛如神

紫花地丁 當歸 大黃

赤芍藥 金銀花 黃芪 各半

甘草節 貳錢

右咬咀每服壹兩用冰壹盞酒壹盞同煎至壹大

盞去滓隨病上下服

增益四物湯 治一切惡瘡

川芎 當歸 芍藥

地黃 防風 荆芥

甘草 各等分 鳳尾草 斟量加入

右剉碎每服參大錢水壹盞半煎至捌分去滓食前溫服

海惡瘡入腹心嘔逆藥食不下

豈粉 半兩 乾臙脂 叁錢 定粉 貳錢

右為細末新水調下

碧霞挺子 治惡瘡神効了不覺疼痛者

銅綠 硃砂 各貳錢 蟾酥 壹錢

右為細末燒飯和作麥藥挺子每刺不覺痛者須刺出血方維藥在內以膏藥貼之

蝕惡瘡方 非奇異惡瘡不可用

惡瘡

銅綠 貳錢

硃砂 壹字

石膽礬 半錢 細研

右為細末傳之

治惡瘡或有小蟲

膽礬

輕粉

乳香 各壹錢

龍骨

虎骨

露蜂房

白礬 各貳錢半

硃砂

土蜂房

雄黃 各貳錢

麝香 伍分

片腦 壹字

右為細末刺破鹽水洗看緊慢上藥神効

拔毒散 治諸惡瘡消腫去毒

天花粉

無名異

黃礬

黃芩

木鼈子

大黃

牡蠣 各等分

右為細末好醋調敷貼立効

桑螵蛸散 治諸惡瘡

桑螵蛸

地龍

貝母

黃礬 各半兩

號丹 煨壹兩

乳香 貳錢半

粳米粉 貳錢

麝香 半錢

雄黃

輕粉 各壹錢

右為細末以新汲井水和沙糖調傳

洗瘡藥 洗諸般惡瘡

五  
五  
五  
九

貫衆 川芎 茵陳

地骨皮 荆芥 獨活

防風 地扁蓄 甘草 各貳錢

當歸 錢參 吹咀水 參 梔 煎 三沸 去滓 通手洗之

又洗藥

白芷 荆芥 萎蕤

何首烏 茯苓 苦參

川芎 白牽牛 防風

蔓荆子 各壹錢

為細末用漿水肆盞煎五七沸臨臥洗淨塗後藥

塗藥

輕粉 白礬 舶上硫黃 各等分

右為細末用酥油調臨睡塗三次

萬寶代針膏 治諸惡瘡腫核赤暈已成膿不肯用

針刺膿此藥代之但用小針點破瘡頭却貼上膏

藥膿即自潰此秘妙良方

蓬砂 血竭 輕粉 各壹錢半

金頭蜈蚣 壹條 蟾酥 半錢 雄黃 壹錢

片腦 少許 麝香 壹字

右為細末用蜜和為膏看瘡有頭處用小針挑破

五  
五  
五

以藥些小紙花上封貼次早其膿自出如腋下  
有核兒名暗疔瘡或有走核可於腫處用針挑破  
如前用之忌雞羊魚酒麵等物喫白粥三日為妙  
龍葵散 治諸惡瘡多出膿水不乾

龍葵 即天茄子

景天 即慎火草

黃連 去鬚

天靈蓋 各壹兩

龍骨

木鼈子

乳香

黃蜀葵花 各半兩

右為細末入膩粉少許蜜調隨瘡大小紙攤貼之  
神効方 治一切惡瘡醫所不識者

水銀

黃礬

黃連

松脂 黃明者

膩粉

土蜂窠 着壁上方者

多有之或云蟪蟪窠

甘草 各等分

右將水銀放掌中以唾津殺為泥入磁器中以生  
麻油和研生絹濾如稀餈和藥末再研如稠餈先  
溫水洗瘡帛拭乾塗之一切無名瘡塗一次即差  
有黃水者塗之隨手便乾痒不堪忍者塗之立止  
痛甚者塗之立定治疥尤佳抓破敷藥

乳香散 治遠年惡瘡

乳香

膩粉 各半錢

黃礬 去粗皮

龍骨

大黃 剉各叁錢

麝香 壹字

右為細末先以苦竹瀝洗瘡拭乾摻藥

熊膽膏 治一切惡瘡

熊膽 研壹錢

膩粉 壹錢貳分半

雄黃 研

麝香 研各半錢

檳榔 研壹字

右研勻於臘日用豬膽壹枚取汁和藥仍入在  
膽內用綿繩繫定揉勻以松明黑焰熏遍黑掛於  
陰處如惡瘡有指面大者用如黍米大貼之如錢  
大者用如菉豆大貼之恐藥乾難貼薄以津唾調  
如稀糊塗之仍用薄樺皮蓋貼以帛子繫之藥不  
可多用

烏金膏 治一切惡瘡

桑枝

槐枝

榆枝

枸杞枝

桃枝

柳枝

右各長壹尺粗如小指俱壹寸截劈肆破用油肆  
兩炒令焦黑濾去滓入鉛丹半兩蠟壹兩復熬令  
黑色傾在瓷合內候冷以新汲水浸出火毒用塗  
瘡

桃花散 治一切惡瘡生肌活血治金瘡去風

烏魚骨

虎骨

龍骨 各壹兩

寒水石 煨半斤

白石脂

赤石脂





